

蘄州志卷之九

知蘄州事虞山錢 鋈纂輯

人物志

儒林

道學之名昉於宋其他史傳諸家皆稱儒林雖源流各殊折衷於道則一也州人士敦儒行者多矣今擇其沉潛經義有所發明者冠人物之首庶幾讀其書想見其爲人焉

宋

蘄州志

卷之九

儒林

一

吳遵路蘄春人官至龍圖閣直學士博學強記窮極理數決疑辨難議論英發甚爲流輩推重子瑛別有傳

林敏功字子仁號松坡十六歲以春秋舉進士不第杜門不出者二十年博通五經尤長於詩政和中徵詔不起賜號高隱處士著有高隱集蒙山集百卷

林敏修字子來敏功弟也與兄以文字相友愛於經義多所發明亦不舉進士有無思集四卷世號二

林

明

馮天馭字應房號午山天性寬厚篤於孝友中嘉靖
戊子鄉薦乙未進士初授大理寺評事改御史兩
任京畿學政設科重行誼敦廉讓崇表貞婦孝子
修諸名人廢祠所行皆裨名教大學士王文肅公
試時年十二天馭極推重之曰孺子可教出東坡
稼說授之後果如其言四遷大理再爲大中丞陞
吏部侍郎生平學有原本深契鄒東郭先生宗旨

蘄州志

卷之九

儒林

二

霍渭崖公嘗語曰馮應房何其溫而能立也遷大
司寇致仕歸里捐資建書院晚於雨湖建卧雲樓
纂修文獻通攷百餘卷學者稱午山先生卒年六
十有二祀鄉賢

顧問字子承少卽有志聖賢年十六偶疾父母以爲
憂問曰疾易愈耳政恐以此廢學不至聖賢爲大
罪大懼也嘉靖壬戌成進士除壽昌令昌俗好溺
女下令嚴禁之全活數萬徵爲待御史遷浙江按
察僉事蔬食清謹越人呼爲茹菜顧公隆慶中起

徐州兵備擢入閩叅政九疏乞歸講書不倦羅洪先嘗曰子承眞聖人之徒也年八十一卒

顧闕字子良問之弟方六歲類燮祝天爲道德性命之學以報劬勞弱冠舉於鄉成進士除刑部郎父母卒與兄問皆廬居墓所服除補禮部郎移南京吏部稽勲司遷福建副使時年僅三十九決意告歸里居四十七年一日忽召子孫語曰昨夜夢聯云津吏報增三尺水山人歸卧幾重雲是歲當大水吾將逝矣已而果然闕治經尤精詩易學者稱

蘄州志

卷之九

儒林

三

爲桂巖先生

韓萬鍾字天爵歲貢少貧窶所嗜惟書史持守方正步趨循軌轍分教休寧擢潁州學正皆以身範物先不失尺寸於天人之理靡不究竟著有象緯彙編三書圖解皇極註解四眞集要等書士人尊禮之

李時珍字東璧號瀕湖生時有紫芝產庭白鹿入室幼敦敏以理學自命年十四補諸生屢試棘闈未售益刻志讀書十年不出戶闕上自墳典下及子

史百家罔不該洽與顧日巖晤言相證深契濂洛之旨待詔瞿九思師事之生平孝友豁達多陰行善托醫以壽世千里就藥於門立活不取值楚王聞其賢聘爲奉祠掌良醫薦於朝授太醫院判數歲告歸結邁所館著本草綱目稿凡三易而成根極理要與爾雅經疏相發明王世貞稱其學行爲北斗以南一人預定死期屬葬父母墓側遺表上頒布其書以子建中貴封文林郎四川蓬溪縣知縣祀鄉賢

詳明史

蘄州志

卷之九

儒林

四

張維號養初萬歷間歲貢仕學訓居平危冠博帶舉止端方言笑不苟誠慤有古君子風荆定王爲世子時尊禮爲師及嗣封又教懿昭世子州人士以經術顯者多出其門嘗述其遺事爲風勸云

國朝

顧天錫字重光博通經史受知於督學董華亭爲諸生有聲改北雍對策及奄寺主司乙之以積分選中牟令辭不就召行徵辟又辭講學於海淀天津歸陳先世遺書蒐探辨究教子景星無間寒暑著

有易林說史評顧氏蘄州志

李炳然字人虎號東臯崇禎丁丑會試副車官吏部
司務出宰江西萬安予告歸杜門著述所言皆窮
極理要以經爲質有江麓堂集傳世其爲人溫文
爾雅不苟言笑沉潛疏義老而彌篤州人士以古
學相勗皆經其指授云年九十餘卒

盧紘字元度號澹崖順治己丑進士授新泰令陞桂
林府同知歷任蘓松督儲叅議多惠政雖簿書旁
午未嘗廢學州志出其手爲諸名宿所激賞比之

蘄州志

卷之九

儒林

五

申叔左史晚居鳳山與同學輩以道相尚窮究源
流所詣益醇

顧景星

傳見隱逸並
詳藝文志

欽士佃字文思康熙癸酉鄉試第一庚辰成進士官
翰林士佃生時父方爲北城兵馬副指揮年十二
孤家貧力弱汲瓶拾薪養母以孝聞性恬淡臨事
不苟磊落無城府遇人機辨寂如也工詩歌古文
疎爽幽雋掌院韓茨極推重之謂其爲尹師魯梅
聖俞之亞

文苑

自二林之名滿天下蘄於是以前以文傳也林氏深於經
例入儒林其他饒著述名擅百家者皆以文槩之仍
叙次其行事與夫立言之所由然庶幾於不朽之義
有當焉耳

明

郭承恩號惺寰始祖爲蘄令遂籍蘄至七世生承恩
性沉靜無所嗜務精經史及先天理數之學由歲
貢任武昌府學訓陞四川崇慶州學正州前從未

蘄州志

卷之九

文苑

六

有科目承恩賑其貧困捐俸改泮水尤精焦氏易
材筮之得賁詞束帛彘彘賁于邱園承恩曰是科
士葉之楨應其兆焉後果驗嗣是奮興不絕州守
楊伯高竒其事以上聞兩臺疏題除四川漢州什
邠知縣冰蘂自矢寬猛惟時什邠以治暇與諸生
肄業鄰封皆負笈至歲旱自暴以雩果致霖應予
告歸講學不輟年八十九無疾而卒

甘瑩字德輝別號玉牕子中成化戊子鄉試丁未授
福建福寧州知州視篆未浹旬而卒平生涉獵經

史百氏工詩章樂府喜松雪子畫尤尚氣節操履不苟

華巒字伯瞻布政仲賢子也蚤負雋才弱冠發解成化丁未進士選翰林庶吉士性資凝重文詞清麗銓注本院編修爲太史陸鼎彝器重有問及館下史材者必以巒對尋卒庶吉士鄒智詩哭之有曰空聞仙珮遠不見相星臨李文正公墓曰吾黨得之吾曹得之而遽失之噫天誰誥之蓋哀其未大用也

蘄州志

卷之九

文苑

七

王儼字望之戶部郎中翰之子中正德五年鄉魁選入中書中府都事南京大理寺評事寺正廣西思恩府知府致仕雅能文章同郝守正著蘄志十二卷

郝守正字中夫嘉靖二年進士南皮縣知縣行取揚州府同知南京兵部職方司員外工部虞衡司郎中溫州府知府調懷慶府致仕嘉靖三十一年同王儼修蘄州志一時碑版之文多出其手

陳吉言字夏卿大中于嘉靖乙酉鄉試第一有文名

同王儼修蘄志

朱翊鋹字昇甫號震岳荆藩樊山郡王少穎異目十
行下博學工詩文不喜富貴慕淮南八公之徒折
節名士一時士大夫皆與遊年七十薨著廣讌堂
集八十卷震岳詩話二十卷行世

朱翊鏊字仲良荆藩樊山王仲子博學能文尤工書
翰與兄震岳相倡和海內傳誦之爲楚藩宗正歸
第教三子皆爲名諸生於宗室中最稱賢者

陳仁近字元復號孟角天性孝友兄仁民任新喻主

簿患足疾近上書當事懇至得以疾解任博學好
古寒暑一燈不輟中嘉靖庚子科鄉試授眉州知
州著書鄉小步數十卷春秋一是一粒粟應叩鳴
諸集副使顧問評其書曰大雅之音鬱乎沉沉難
偕俗心

田乃穉字茂卿萬歷己未科進士考選推官未仕卒
夙負才名饒著述未究其用士林惜之

田雨公字田叔萬歷乙丑科進士未仕卒有無齋文
稿行世

朱常號鑑虛荆藩德安郡王通文史善繪事尤以松
與梅擅長繪有全譜每幅各有標識詩極新雅間
靜深居自文墨外他無所與蓋宗室之賢也

傅作相號舉巖萬歷丁酉恩選天性端嚴學問淵博
出其門下者皆知名士初任安居令陞州守宦成
歸里間居家庭融穆有古人風子五人皆有文行
長若龍嗣職衛揮使孫十餘人多列膠墻者以壽
終於家

袁素亮字公寥世振子歲貢生負才磊砢不羈詩古

蘄州志

卷之九

文苑

九

文詞援筆數千言與譚友夏等單多所唱和晚與
艾千子陳大士結天下文社值寇亂不屈死詩文
多散佚

王臣縉字大紳一字縉雲號意菴中崇禎丙子鄉試
庚辰成進士官錢塘知縣旋解組隱姑孰間著有
麟經稿行世書法尤精

國朝

汪蘅字蘭友號仇懷順治己丑進士知福建南平縣
政尚簡靜尤加意士類公餘課業多所成就旋移

疾歸詩酒自豪與東臯澹巖各以文章氣誼爲一時表率

陳之京字覲伯歲貢生學殖淹博與同郡李嵩岑盧澹巖結詩文社盧李籍通顯之京累試不售遂卜築山中益刻苦爲詩文有集今散失

張正志字爾思幼穎慧讀書數行下諸史百家莫不備究爲文以歐曾爲法與顧景星李炳然相友善時相攷證由順治壬辰進士任河南衛輝府推官遇疑獄剖決無遺一郡稱治以直見忤謫州判遂

蘄州志

卷之九

文苑

十

致仕家居惟文藝自娛而已

張士淑字耳聖號蘧菴歲貢生初司鐸黃梅縣梅值兵燹後廟學無存淑極力經營規模立就當事知有經濟才命攝縣事多善政以終養歸屏棄人事悉意爲詩古文後例補縣令辭不赴著有秦餘草宛在堂近藝雲溪雜著

張相字公卜州諸生幼倜儻不羈稍長爲文下筆千言立就立文社與叔泮黃岡汪子維龔孚先輩相倡和著有清遠堂文集戊巳之亂土寇猖獗相結

義旅力保障於策山之陽鄉人賴之

顧昌字文饒號培山康熙癸酉舉人美儀表風神雋
逸孝友和平善作古體文工詩賦以父景星著作
甚富因徧謁諸名公交好卒得荔軒曹寅編輯白
茅堂詩文集行世昌亦以勞瘁未仕卒著有耳提
錄西軒唱和詩栗蔭軒詩文錦樹堂填詞江山筆
助時藝子諸生三經仕綬湛露等以次梓行

李生槃字谷友號兩峯兵備樹初曾孫生甫三月失
怙節母諸氏撫而教之通經史百家言爲州學生

蘄州志

卷之九

文苑

十一

有聲雍正五年以孝廉舉後應聘修湖廣通志多
所攷正總裁時與質疑辨論輒稱賞貌魁梧飲酒
賦詩率常屈其座人年五十三卒著有雨湖吟社
合集二卷楚江吟二卷兩峯詩文集各六卷尚書
義疏四卷

郭從字層崖一字蒼屏承恩孫州諸生讀書過目成
誦性嗜酒豪爽不羈喜讀秦漢書工書畫尤精古
篆中鋒運腕今流在人間私諱小印如韓山片石
不可多得所作詩見雨湖吟社合集原名從改從

故號去山云

陳其勅字五惇歲貢博涉羣書詩古文詞援筆立就
州太史欽士佃極推重之

陳謨字友夏號素菴歲貢生天姿穎異嗜學好古教
授生徒成材甚衆著有四書辨論尚書講義同堂
集待郢集河干集茆堂偶草雜著有唾餘集醫門
集要二十五卷弟正誼甲子舉人誥庚午舉人皆
所造就另有傳

晏昇字東白憲副攄忠長子歲貢生學博才高名動

蘄州志

卷之九

文苑

十二

一時兵憲王公呂公雅重之立爲雲門社長時盧
大叅澹巖在南儲修蘄志顧黃公與焉數致書訪
遺事名宦科目事實多出昇手年九十補穀城訓
導辭不就

李春期字子疇號宅玉父鎡然明末諸生遭難春期
師事伯父炳然下帷攻苦以倡明學術爲己任年
三十卽屏棄世事琢石圃於麟阜經史百家務探
本原彙纂成書爲目數百名澄源錄年八十一卒
孫民則字庶法中康熙辛卯鄉試乾隆己酉爲陝西

同考官稱得士庚戌成進士候補河南□

猶把卷作呬唔聲授武安知縣尋卒

陳履中字遠登少穎異博學能文由選拔中雍正乙卯鄉試丙辰成進士授貴池知縣予告歸尋卒

忠節

宋史秦鉅傳載同時死事者可謂烈矣自江士旺下疑皆蘄人然已不可攷謹撮其可攷者著於篇

元

李宗可有勇畧善槩余闕以兄之女妻之以州判權

蘄州志

卷之九

忠節

十三

義兵萬戶統新軍守水砦前後多戰功陳友諒攻安慶城破宗可橫槩入賊中擊殺甚多聞闕死馳還或勸之降怒曰元帥平日遇我厚何可背之乃驅其家屬盡殺之據胡牀縱飲至醉因自刎

明

陳相中所百戶正德九年自廣西調雷州輕便勇敢隨軍調守陽春鳳凰寨時陽春山賊猖獗乘夜來攻相督兵拒之兵潰散挺身力戰殺數賊竟爲賊

所殺

廣東志

陳顯元字長卿由副榜授新安令惡衣糲食□□□
疾苦以城堞傾頽不利禦寇率士民入保闕門寨
闖賊檄降立碎其檄及來犯死守月餘力竭而陷
見賊怒罵賊大殺寨中人顯元叱曰守寨者我也
百姓何辜寧殺我賊怒遂支解死無子其甥浦某
以櫬歸葬新寧人立祠祀之節明史

張效方字正甫官荊門州學正崇禎中李賊寇州效
方盟諸生以佐城守城陷不屈死之見明史盧學古傳

李新字卽巖萬歷中舉人令潛山歷戶部主事權臨

清鈔關舊有舟車二稅奏免車稅以便商授陝西
僉事以親老乞養歸獻賊屠蘄合家被執脇之跪
罵曰賊爾非秦人乎我執節入秦時爾廝養卒耳
豈爲爾屈死則死跪不能也賊大怒新抱父屍就
刃祀鄉賢明史

張邦翼字君弼號軫南萬歷戊戌進士盛著文名授
浙江臨海知縣以廉能稱遷南戶部潔己奉公遷
廣東督學最得士刻有嶺南文獻錄並漢魏叢書
行海內移浙江驛傳請免里解累民者三衢志備

載其文監軍四川平安世咱諸蠻遷廣東廉訪使
轉江西右布政惟貯正供規額俱捐以耄乞歸蕭
然澹靜癸未春獻賊襲蘄不屈死年七十有三祀
鄉賢子效葵中天啟甲子鄉試孫承位中順治丁
酉鄉試

董一化號南鯤幼嗜學以明經補仁化令釐剔積蠹
禁止囂風鄰民有冤當事不能決以委之立爲剖
釋改任印江縣興學課士人文頓起其地逼近苗
穴捐俸高固城垣以貲守圉致政之日囊橐蕭然

閉戶著述刻有錦石巖不窺園諸集篤親厚故排
難解紛天性然也癸未城破不屈死從祀鄉賢子
良宣順治丙戌舉人任武昌教諭

李梃字長甫號赤存天啟壬戌進士初任博野令申
堡制嚴保甲以待賊盜調眞定時魏璫莊佃爲民
害徑繩以法盜教童子於寺以疑東鄰梃趨赴寺
見寺聯有望月字心驚曰二字似僧名此必奸僧
外來密授捕者至一橋有僧戴笠危坐捕近前呼
望月在此耶僧驚起隨得其袖中短刀血濺內衣

以此服罪又童無故斃於家疑鄰媪梃視之曰此必中毒物果中苦杏毒以杏根搗水灌之而鄰人獄解武庫散餉例有羨銀冒餉樣馬及梃爲主事悉裁之長城之築更役無寧日梃軫念全活者衆擢直隸遵化兵備道丙子兵馬雲集遵化糧頓絕難民僵卧滿道官兵竊殺以冒功梃給錢煎粥又給印票嚴妄殺之罪活五千餘人癸未春獻逆襲蘄梃條陳守禦二十四款時衆議紛紜城遂破賊執不屈死祀鄉賢子本裕本蕃本仁本晟本甲以

學行知名本晟順治己丑科進士另有傳

李樹初字客天萬歷己未進士任戶部主事晉郎中督宣大餉轉陽和知府時太監王坤節制宣大巡按道員俱行角門進見初稱疾不出將中傷之適璫敗得免後以山西副使致政家居扁舟湖上自課詩文有穎餘慵緒數十卷會流寇猖獗罄家資築盤石符乾二險蘄人賴之癸未城破與子孫訣曰我在籍自當盡節爾輩讀聖賢書死生有命不可屈於賊賊執之不屈死繼妻封氏長子延慶貢

生孫之蘋之藻廩生等從死祀鄉賢

盧如鼎字呂侯州廩生潛心好學性篤孝友寡言笑
恂恂若處子不與戶外事屢試不遇教姪若子務
遵古訓學者無遠近多遊其門癸未之難如鼎以
先人故廬不可輕棄率家人暨里中少年爲堅守
計後賊從他道襲遂及於難一家從戮者百口後
以子紘貴贈中大夫祀鄉賢

饒京號黃山天啟壬戌進士少事遠遊於世務多練
達初任宜興知縣調常熟縣行取御史巡歷蘇松

蘄州志

卷之九

忠節

十七

諸郡再巡淮揚諸郡甚著風裁時有大奸蟠固不
可動京悉誅之遠近肅然癸未獻賊陷城殉難祀
鄉賢

田有龍三科武舉解元廣東永寧守備死安酋之難
子足國蔭襲蘄州衛百戶

岳璧蘄州衛指揮使字連城叅將岳鎮華之姪癸未
獻逆襲城擄之自屋墜地未死賊知其爲官問之
璧不應問衣服不應問弓箭馬騎終不應數賊擁
至城上脅降璧怒云我與國同休者豈降汝賊怒

刺之卧地氣將絕揚目視賊曰我爲鬼亦能刺汝
時大雪血流赤丈餘目皆不合人皆哀之

詳明史

田金浦字麗水夙負幹畧萬歷間黃梅寇劉少溪等
倡亂剽掠及蘄浦聚義捍衛鄉井乘虛襲破之州
牧徐希明以事聞擢浦守營防禦本境與州判陳
策戮力赴勦賊蹙遁汝潁江黃間恃險爲固浦選
精騎驟入斬首數十賊衆奔潰度已殲渠魁力疲
解甲憇修竹間賊忽至浦與策奮臂殺賊力不支
遂死之贈總戎廷烈士廟子宗演冒鋒負父屍以

蘄州志

卷之九

忠節

十八

歸族里並嘉其孝

李化龍字如雲蘄諸生素有文譽癸未獻賊破蘄以
不屈死其子位以狀聞祀鄉賢

孫仍字雲孫蘄諸生家世積學癸未獻逆之難抗節
而死蘄人士義之督學郃公列狀以請允與李化
龍並祀鄉賢

蕭霽字東曙之楨之子震之從弟幼負異才博極羣
書工詩文年七齡州府道試第一次年歲試亦第
一食廩餼時稱神童癸未獻賊破蘄東曙年十六

賊見其聰穎過人欲留以爲佐東曙曰我家世受國恩豈仕汝耶寧殺我賊怒而鬻割之當時與顧黃公齊名著有詩文集十卷編類書名道器括囊一千六百卷皆不傳

陳正字剛中號宛坵父吾尚有學行正自幼穎異爲文雄奇英邁巡按宋公觀風拔其卷冠九屬與同郡張子都以文名於時兵憲陳公應元甚器重之刻有張陳二子稿癸未獻賊陷城屈正從之正罵不絕口觸石而死其子亦被擄後潛遁負骸歸葬

聞者義之時太學生張效鍾亦以罵賊不出死

李于節字子高諸生著品行於鄉以子新令潛山封文林郎新官至陝西僉事于節惓惓以忠君愛民屬其子新侍歸養癸未賊陷全家被執于節恐子有顧慮父母意爭先罵賊引頸受刃死新抱父屍罵不絕口賊鬻之于節妻楊氏子□新于承裘承弓俱庠生同死

顧天祚字悠也州學生性耿介節誼□□所推教授□□每出館穀以周饑寒流寇陷□□祚不屈觸

安豐累官四川安撫制置夔路轉運使玠遴選守
宰築招賢之館屯兵聚糧爲必守計招致冉璉冉
璉待以上客用其計徙合州城諸砦移守釣魚山
以資政殿學士召還方聞命卒蜀人祠祀之子師
忠大理寺丞

詳宋史
本傳

明

康茂才字壽卿州人元末進士寇陷蘄州茂才結義
旅捍禦有茫茫江滸皆魚鰲何處堪容魯仲連之
語尋從明太祖渡江太祖欲速陳友諒來寇以分

蘄州志

卷之九

武勳

二十一

其力密諭茂才誘致之友諒敗走嗣後破蘄黃戰
鄱陽湖圍武昌收湖南伐吳逼蘓州從征齊魯關
隴節制太原再征漢中所在有功軍中疾卒贈蘄
國公諡武毅

詳明史
本傳

康鐸字伯聲茂才長子襲封蘄春侯少有父風年十
歲侍太子讀書大本堂太祖灑宸翰賜之曰謹承
祖業愛爾勤功詔往墾鳳陽荒田年十八統兵征
辰州峒獠遂平松壘諸州後從征南將軍傅友德
征雲南克普定破華楚山諸砦明年卒年二十三

贈宣力武臣蘄國公諡忠愍子淵授祿未襲封

柳良正州崇居鄉人洪武初以武功封吉安侯嘗於
打鼓臺墩集蘄州三戶軍戶其墓尚存

陳福清從高帝征僞漢陳友諒戰於鄱陽湖矢及御
舟福清倉卒負帝過舟帝取一珠耳璫賜之福清
以箭貫左耳懸璫帝曰眞壯士也封千戶後叙功
臣福清不與焉

李楷字端甫同春之子貌如冠玉風流英武以軍功
授靖州守備隨大將軍劉挺征苗播攀藤越樓關

蘄州志

卷之九

武勳

二十二

天塹建立奇功陞福建叅將會海賊入犯設奇大
破之擢吳淞副總官至貴州總兵歸里居喪廬墓
孝友同居人皆賢之祀鄉賢

李棟字郅隆同春次子少爲郡名諸生負雋才兄楷
無嗣承兄蔭陞武岡州守備廣西永寧州遊擊再
陞四川松藩叅將盡瘁王事卒于官生五子皆庠
生癸未城陷相率死難惟四子本綿存尋卒

王啟指揮使勝之子勝亡於陣啟年十五襲父職調
充先鋒官從征雲南苗通道造橋應接大軍擒其

渠魁又生擒七十餘酋斬獲四十一級拔城寨七十二晉封明威將軍以壽終葬雨湖

陳圖功字朋燕中萬歷乙卯武舉後流賊猖獗圖功獻策軍門復請歸立羊角砦以衛鄉里兵憲范爲請職遊擊所在有功著有行路難柳絮吟等篇

國朝

李世忠字厚菴有膂力諳方畧康熙十八年吳逆亂世忠自備鞍馬從黃州王協鎮出征有功授千總復從征紅苗殺賊於六箐口殲滅幾盡生擒十餘

蕪州志

卷之九

武勳

二十三

人疏請授都司僉書管江西南昌銅鼓營守備事封武宣將軍

楊天貞字自強崇正丙子武舉順治甲午副舉少讀書通孫吳韜畧對策皆能指陳有膂力技藝絕等倫康熙初搜求材勇貞上書台司請纓自効以功授守備

葉植字容伯號天培順治戊子武舉初授燕山右衛千總以征西山有功陞山東靖海衛守備前官張某以丁糧挂誤追賠力不能償植代賠數百金張

得還鄉陞臨清都司尋卒

蕪州志

卷之九

武勳

二十四